

Na osnovu člana 82. stav (1) Zakona o veterinarstvu u Bosni i Hercegovini („Službeni glasnik BiH“ br. 34/02) Ured za veterinarstvo Bosne i Hercegovine donosi

**U P U T S T V O**  
**O NAČINU I DINAMICI IZVJEŠTAVANJA O SLUŽBENIM KONTROLAMA I REVIZIJAMA**  
**SLUŽBENIH KONTROLA OBAVLJENIM U OBJEKTIMA ODOBRENIM ZA IZVOZ U**  
**EVROPSKU UNIJU**

**Član 1.**  
**(Predmet)**

- (1) Predmet ovog Uputstva je osiguravanje jedinstvenog načina i dinamike izvještavanja o svim rezultatima službenih kontrola i revizija službenih kontrola koje obavljaju nadležne veterinarske inspekcije u objektima odobrenim za izvoz u Evropsku uniju a u skladu sa Planovima službenih kontrola koje donose nadležni organi entiteta i Brčko distrikta.
- (2) Ovo Uputstvo se ne odnosi na Planiranje i izvještavanje o revizijama implementacije zahtjeva za izvoz u EU koje se vrši u skladu sa odredbama Pravilnika o načinu odobravanja objekata koji se bave uzgojem živih životinja, proizvodnjom, preradom, obradom i skladištenjem proizvoda životinjskog porijekla za izvoz na tržište evropske unije („Službeni glasnik BiH“ broj 102/12).

**Član 2.**  
**(Obaveze)**

Službeni veterinari – veterinarski inspektori koji vrše službene veterinarske kontrole u objektima koji su odobreni za izvoz u Evropsku uniju obavezni su nadležnom organu entiteta i Brčko distrikta dostavljati redovne mjesečne izvještaje o rezultatima svih obavljenih službenih veterinarskih kontrola i revizija službenih kontrola. Izvještaji se odnose na mjesec u kojima su planirane i provedene kontrole po planu koji su entiteti i Brčko distrikt dostavili Uredu.

**Član 3.**  
**(Dinamika izvještavanja)**

Izvještaj iz člana 2. ovog Uputstva, službeni veterinari – veterinarski inspektori, odnosno nadležni organ u kojem su isti zaposleni dužni su dostavljati nadležnom organu entiteta i Brčko distrikta koji će objedinjen izvještaj dostavljati Uredu u pisanom obliku po obrascu

navedenom u prilogu ili putem e-maila info@vet.gov.ba najkasnije do 25-tog dana tekućeg mjeseca za predhodni mjesec.

#### **Član 4. (Sadržaj izvještaja)**

- (1) Izvještaj iz člana 2. ovog Uputstva treba da sadrži sljedeće podatke o broju službenih kontrola i revizija službenih kontrola koje se obavljene za svaki pojedinačni objekat koji je odobren za izvoz u Evropsku uniju, kako slijedi;
  - a) naziv objekta i veterinarski kontrolni broj;
  - b) datum službene kontrole/datum revizije službene kontrole;
  - c) predmet službene kontrole;
  - d) predmet revizije službene kontrole;
  - e) rezultate službene kontrole kao i eventualno preduzete mjere (upravne mjere-rješenje, prekršanje mjere, eventualne zabrane, i druge mjere);
  - f) rezultat revizije službene kontrole
- (2) Osim navedenog u stavu (1) ovog člana uz izvještaj je potrebno dostaviti i sljedeću dokumentaciju:
  - a) kopiju zapisnika o obavljenoj službenoj kontroli i reviziji službene kontrole i
  - b) kopiju rješenja o poduzetim mjerama (prekršajne mjere, eventualne zabrane i druge mjere).

#### **Član 5. (Vanredno izvještavanje)**

- (1) U slučaju da se tokom službene veterinarske kontrole u objektu koji je odobren za izvoz u Evropsku uniju utvrdi da objekat ima značajna odstupanja u pogledu zahtjeva Evropske unije službeni veterinari – veterinarski inspektori su dužni o tome odmah, bez odlaganja, obavjestiti nadležni organ entiteta koji je odobrio objekat ili Brčko distrikt, koji će o tome izvjestiti Ured za veterinarstvo Bosne i Hercegovine.
- (2) Po primitku informacije o odstupanjima, Ured za veterinarstvo Bosne i Hercegovine je istu dužan proslijediti svim nadležnim organima entiteta i Brčko distrikta u Bosni i Hercegovini.

#### **Član 6. (Mjere u slučaju ne izvještavanja)**

Ukoliko službeni veterinari – veterinarski inspektori, odnosno nadležni organ u kojem su isti zaposleni ne postupe u skladu sa zahtjevima navedenim u čl. 3., 4. i 5. ovog Uputstva, Ured za veterinarstvo Bosne i Hercegovine će u skladu sa svojim nadležnostima odmah staviti van snage Rješenje o ovlašćivanju službenih veterinarara – veterinarskih inspektora za ovjeru veterinarsko-zdravstvenih svjedodžbi u međunarodnom prometu (certifikata) u objektima odobrenim za izvoz u Evropsku uniju za sve službene veterinare – veterinarske inspektore iz tog organa kojima su takva ovlašćenja izdata i o tome obavijestiti sve nadležne organe entiteta i Brčko distrikta u Bosni i Hercegovini.

**Član 7.**  
**(Završne odredbe)**

- (1) Ovo Uputstvo stupa na snagu danom donošenja i objavljuje se na web stranici Ured za veterinarstvo Bosne i Hercegovine.
- (2) Stupanjem na snagu ovog Uputstva prestaje da važi Uputstvo načinu i dinamici izvještavanja o službenim kontrolama obavljenim u objektima za preradu mlijeka i izradu proizvoda od mlijeka odobrenim za izvoz u Evropsku uniju br. 04-6-27-47-53-30/16 od 22.12.2016 godine.



**DIREKTOR**

**Saša Bošković, dr vet. med.**

Broj: 04-1-27-49-338-1/24

Datum: 10.04.2024



## IZVJEŠTAJ O KONTROLAMA U IZVOZNYM OBJEKTIMA

| NAZIV<br>OBJEKTA I<br>VKB | DATUM<br>SLUŽBENE<br>KONTROLE | PREDMET<br>SLUŽBENE<br>KONTROLE | DATUM REVIZIJE<br>SLUŽBENE<br>KONTROLE | PREDMET<br>REVIZIJE<br>SLUŽBENE<br>KONTROLE | REZULTAT KONTROLE:<br>UREDNA, NEUREDNA, PREDUZETE<br>MJERE RJEŠENJE, PREKRŠAJNE MJERE,<br>ZABRANE |
|---------------------------|-------------------------------|---------------------------------|--|---|---|
|                           |                               |                                 |  |   |   |
|                           |                               |                                 |  |   |   |
|                           |                               |                                 |  |   |   |

### PRILOG:

- a) kopija zapisnika o obavljenoj službenoj kontroli;
- b) kopija rješenja o preduzetim mjerama, prekršajne mjere, eventualne zabrane i druge mjere ;

**Potpis i pečat:**